



**Jacobi Alvarez de Paz Opera**

De Exterminatione Mali, Et Promotioне boni - Libri quinque

**Álvarez de Paz, Jacobo**

**Lvgdvni, 1613**

Nullam virtutem esse præmittendam. Cap. 7.

---

[urn:nbn:de:hbz:466:1-77843](#)

tur; non amarentur, nisi viderentur; & si vtique non amarentur, nisi viderentur, alio oculo videntur, id est, interiori cordis aspectu: per has virtutes inuisibilis, mouentur membra visibiliter. Pedes ad ambulandum. Sed quod? Quod mouerit bona voluntas, quae militia bona imperatori. Manus ad operandum. Sed quid? Quod iusserit charitas, quae inspirata est intus a Spiritu sancto. Membra ergo videntur, cum mouentur: qui iubet intus, non videtur. Et quis intus iubat, proprie ipse solus nouit, qui iubet: & ille intus cui iubetur. ] Haec tenus ille. Tu igitur, o vir iuste, animam tuam arcum esse cogita, potentiam Dei factam, & Christi merito ac passione refactam, que inter aquas diluvii, hoc est, inter tentationes & aduersitates saeculi huius, huc illucque fluctuat, donec siccetur aqua, & in terram solidam, in terram viuentium, & in portum salutis appellat. Ne autem vindictarum vi, & impulsu turbinum periclitetur, iusti Noe laborem assume, & Domini praeceptum exequere, quo dictum est: Arcam bitumine linices intrinsecus & extrinsecus. ] Bitumen intrinsecus linens arcum, est virtus interior, quam voluntas sine externo opere concupiscit, & desideris actionibusque internis promouet. Bitumen vero exterius linens, est virtus externa, qua iam actione se prodit, & proximis videntibus & audiuntibus, exempla recte conuersationis praebet. Hoc duplice bitumine arca spiritualis lita atque protecta, in mediis tentationum fluctibus nauigabit secura. Vel, si manus, animam, arcum fæderis considera esse, in qua gemina pretiosissima aut potius verum manna, id est Christus, custoditur: cui dixit Pater per Isaiam: Dedi te in foedus populi, ut suscites terram, & possides ciuitates dissipatas. ] Quid autem præcepit Dominus arcam istam exornanti? Certè, Deaurabis eam auro mundissimo intus, & foris. ] Aurum, quo deauranda est arca, virtutem significat, quia virtus, sicut aurum, splendet, & multum valeret, & aliis donis supereminet. Deaurabis arcum intus, si erga Deum charitatem habeas: optimum enim aurum, charitas, aurum ignitum, probatum, quo locuples fies. Deaurabis foris, si ex charitate exterius erga proximos, & erga te ipsum reliquarum virtutum actiones expreas. Nam bonum aurum virtutes reliqua, sine quibus nec aurum charitatis inuenitur, nec thesaurus mentis perficitur habetur. In arca cordis sic deaurata, Deus vernam, manna, & virginem Aaronis quae fronduerat, & tabula legis abscondit, quia filium suum per gratiam habitat in nobis facit, & sceptro potestatis sua omnia nostra regit, & legem suam non iam in lapidibus mortuis, sed in actionibus sanctæ conuersationis scribit. Si autem opus nobis est Christum in nobis habere, ex eius præscripto dirigi, & vitam secundum eius legem efformare, discamus, virtutem esse maxime necessariam, qua & Dei habitaculum efficimus, & haec tria, quae dicta sunt, sine villa dubitatione conquisimur.

*Nullam Virtutem esse prætermittendam.*

#### CAP V T VII.

**V**IRTUTES, quæ multæ sunt (ut postea dicemus) non sunt in eodem gradu

Iacobi Alvarez operum tom. 2.

A necessaria; quedam enim ad ipsam substantiam salutis animæ pertinent, ut Fides, Spes, Charitas; quedam ad huius salutis permanentiam ita conseruant, ut sine illis stare non possit, ut Prudentia, Iustitia, Fortitudo, Temperantia in aliquo perfectionis gradu, qui sub præceptum cadat: aliae vero salutis spiritualis decori deseruunt, ut minores quedam virtutes, aut gradus maiores illarum priorum, quæ permodum consilij proponuntur. Tamen licet hoc verum sit, nulla debet esse virtus, quamvis exigua, quam spiritualis vir obtinet non curat. Nam sicut diuites huius saeculi, nullum genus opum aut diuitiarum respiciunt, sed omnia habere curant, quedam quidem ad necessitatem, quedam autem ad commoditatem, quedam vero ad splendorem & decorem; ita iustus, qui thesauros spirituales congregat, nullam virtutem, quantumvis exigua videatur, reiiciat, neque contemnat. Quævis illarum ipsum dictionem faciet, merita augebit, præmium æternum cumulabit, & eo consequendo securiorem reddet. Nulla igitur virtus, quoad fieri possit, parvi ducenta est, ex cuius contemptu maximum damnum prouenire potest, & ex cuius obiectione non exigua pars profectus nostri dependet. Hoc autem quanti momenti sit, ex duplice capite possumus declarare, tum ex parte finis, quem per vitam spiritualem intendimus, tum ex ipsis virtutibus, quas studio & labore comparamus. Est finis nostri laboris, domum in corde nostro, regi saeculorum extruere, & templum magnificentum Deo deorum ædificare. Si ab hoc opere celerrimus, queritur Dominus, & quod ante vocacionem nostram non dixit, nunc dicit: Quare non ædificasti mihi domum cedrinam? Et de hoc tempore ait Paulus, ad Ephesios scribens: Superædificati estis super fundamentum Apostolorum & Prophetarum, ipso summo angulati lapide, Christo Iesu: in quo omnis ædificatio constructa, crescit in templum sanctum in Domino, in quo & vos coædificamini in habitaculum Dei in spiritu. ] Fundamentum itaque huius ædificationis, Christus est, aut fides Christi, ab Apostolis Prophetisque prædicata: & quia habitatio, quam ædificamus, cœlestis est, ideo fundamentum eius non in terra, sed in celo est. Solum autem, in quod hoc cœlestis fundamentum iacit, & per fidem & gratiam ponitur, est cor nostrum aut mens nostra, in qua per Christum stabilita non per virtutem humanam, sed per virtutem Spiritus sancti, crescit domus Dei, quoque in fine sancta & perseverantia virtutum consumetur, & perficiatur. Itud autem esse virtutis spiritualis officium, in corde suo domum Domino ædificare, optimè docuit Hugo Victorinus in hunc modum: Nemo dicat non possum ædificare domum Domino: non sufficit tantis impensis tenuis paupertas mea, cui & ipse locus deest exuli, & peregrino, & in terra aliena degenti. Hoc opus est regum: hoc mulierum est opus populorum. Ego vero quomodo ædificabo dominum Dominum? Cur sic cogires homo? Non hoc exigit a te Deus tuus. Non dicit tibi ut fundum emas alienum ad amplificanda atria sua. Cor tuum inhabitare vult: hoc amplifica, hoc dilata: dilata, inquam, quia magnus est Dominus, & nescit in hoc loco angusto habitare. Dilata ergo cor tuum, ut capere possis, quem capere non potest mundus. Dilata cor tuum, ut habere merearis hospitem Deum; & non (sicut consuetudo est iater homines) vnius noctis hospitem,

z. Reg. 7.  
7. Ephes. 2.

Hugo lib.  
4. de aria  
mor. c. 1.

Psal. 118.  
32.

Cap. 2.

Doroth  
doctrina  
14.

Sed æternum habitatorem. Dilata ergo cor tuum. Quod si tu in dilatando deficias, ipse tibi dilatabit: cu ille aliquando dilatatus ab eo, dixit: Viam mandatorum tuorum cucurri, cum dilatasti cor meum.] Et de impensa quid dicam? Non necesse est maria transire, & ignoras exquirere regiones ad comparandos lapides pretiosos, & marmora electa, nec cedros excellas incisus, de libano per alta maria manibus conductis aduherere, aut nescio quod numerosa artificium millia congregare, qui & thesauros regum attenuare possent. Nihil horum te postulatur, in te & de te fabricabis domum Domino Deo tuo. Ipse artifex eris, cor tuum, locus; cogitationes tuae, materia. Hac ille. Qui & postea fatetur dominum hanc ex virtutibus esse ædificandam. Cum enim dominum spiritualem, arce Noë comparasset, subdit: Similiter nos de hoc profundo, de hac conuale lacrymarum per quadam incrementa virtutum, quasi per quodam gradus in corde nostro dispositos, ascendentem paulatim, in unum colligimus, quoque ad illam simplicem unitatem, & veram simplicitatem, æternamque stabilitatem, quæ apud Deum est, pertinamus.

Domus ergo hæc Dei in corde nostro ædificatur, & non ex alia materia, quam ex multipli virtute construitur. Virtutes vero, non incongrue, aut eum lapidibus, aut cum parietib; aut cum partibus ædificij conferuntur. Sunt lapides pulchri & expoliti, quia ex una virtute alteri adiecta, & ex alia priori superimposita domus ista paulatim usque ad consummationem coalescit. Sunt parietes stabiles & erecti, qui inter se connexi ac concatenati, firmitudinem domui tributunt. Sunt partes ædificij, quia virtus quelibet est in statu canaculi aut conclusi optimi, in quo pro diuersitate occurrentium occasionum excipiuntur, & in eo liberi à casu & periculo conuicemus. Domus autem non ex uno aliquo lapide, sed ex multis, immo ex omnibus iuxta magnitudinem ædificij necessariis componitur: non ex uno patiente, sed ex multis, qui structuram compleant, extrahit: non ex uno, aut altero atrio, aut canaculo, sed ex omnibus illis, que in idea artificis expressa sunt, ædificatur. Igitur hæc domus Dei, que amplissima & perfectissima esse debet, non vnam aut alteram virtutem, sed omnes prorsus virtutes, sine quibus pulchra omnino & perfecta non erit, ad suam perfectionem requiri. Egregie sanè hanc similitudinem persequitur Dorotheus, insignis vita spirituali magister, cuius verba, que nostram doctrinam confirmant, non præterimus. Sic ille ait: At quo pacto ædificatur animæ dominus? Possumus à materiali rei huius diligentiam perdiscre. Opus primum ei est, qui voluntate dominum condere, vnde illam præmunire, & à quantu partibus attollere ædificum, nec unius tantum pars habere curam, cæteras vero negligere, quandoquidem nihil proficit, sed & labore, & sumptu, atque omnia denique perdit. Id ipsum est in anima, curus nullam partem debet homo neglegere: sed æqualiter & aptè eam exigere. Et hoc est quod aiebat senior ille venerabilis Ioannes Abbas: Liber mihi hominem ab unaquaque virtute, paucillum quid decerpere, & non (vt plurimi faciunt) vñscemper virtuti insistere, cæteras negligere. Hi enim cum in ea ipsa virtute, cui inserviant, principatum foras teneant, nec ab opposto & contrario vlo ipsius virtutis oppugnentur, a reliquis tamen passionibus subducuntur, & oppugnauntur, nullaque illis cura deinceps est, sed existimant se magnum quipiam tenere. Hi similes

A mihi videntur eius, qui cùm parietem edificare voluerit, & attollere quantum quiserit, ad ipsius altitudinem tantum prospectum habet, & magnum aliiquid extraxisse se credit, non prospicit autem, quod quis ventus, eriam modicus, spirauerit, illum potest ad terram deicere. Non enim catenam habet & coniunctionem aliorum parietum. Neque enim potest quis sibi testum facere in uno pariete.] Haecen Dorotheus. Et profecto in eos, qui alias virtutes habere negligunt, non male quadrat illa increpatio Domini per Aggeum Prophetam: Nunquid tempus vobis est, ut habitetis in domibus laqueatis, & domus ista deserta?] Quia magnam curam impendunt in hoc, vt ex rebus terrenis nihil omnino illis desit, utque nihil habeant minus communum: dominum vero Dei, imperfectam & semiascam, in cordibus suis habere contemnunt. Quæ quasi deserta relinquunt, si non (pro humana possibilitate, quam gratia Dei semper iuvat) usque ad consummationem perficiantur. Cellam, ò frater, sine foribus, aut sine fenestra lignea, aut sine vtricibus non habebis, immo nec parvum foramen, per quod videaris, vel ventus perfler, sustinebis: & dominum Dei, quem in corde tuo habitatorem exceptisti, ex defecta aliquarum virtutum ruinosam & penitentiam esse permittes? Si hoc non est teipsum Deo præferre, at est, parum de tua salute spirituali curare.

Sed & virtutes ipsæ, nos ad nullam earum prætermittendam, astringunt, quoniam non solum Philosophi, verum & Patribus attestantibus, conexæ & concatenatae sunt inter se, ita ut una deficiente, aliae non leue detrimentum subeant. Id autem quoniam modo sit, & quibus rationibus subnatur, videndum est, ne huius veritatis ignoratio nos legnes & incuriosos in adēptione virtutum efficiat. Virtutum quædam sunt infusa (vt postea dicimus) que Deo donante & infidente, in membris nostris habentur; quædam acquisita, quæ proprio hominis labore & industria parantur. Virtutes infusaæ ita charitati annexæ sunt, ut simul cum illa à Deo nobis proueniunt, & simul cum illa perdantur, ne ad momentum (duabus Fide & Spe exceptis) sine illa perdurent. Sicut enim anima vires naturales habet, quibus ad intelligendum, & volendum, & ad alias actiones exercendas, procedit: ita charitas, que vita est animæ nostræ, cuius & gratia præsens spiritualiter vivimus, vires secum habet, nempe virtutes morales infusaæ, actione similes, & sine dissimiles acquisitis, quibus per modum imperantis & mouentis, in actiones studiosas vita spirituali necessarias incumbit. Quare non aliter quædam anima recedente, potentia eius abeunt, charitate pereunte ha omnes virtutes ab ea procedentes, depereunt. Virtutes acquisitaæ cum charitate etiam concatenatae sunt, non quæ sine illa non maneant, aut vera virtutes esse desinunt, quæ sine charitate in propria obiecta ferri possunt, sed quia sine hac præstantissima virtute non sunt virtutes perfectæ, aut (sita loqui licet) non sunt virtutes Christianæ, quæ in Deum, sicut summe dilectum, tendant, que Christi virtutes imitantur, & vitam promereantur eternam. Ha quoque acquisita virtutes conexæ sunt cum prudentia perfecta, nam hæc in quaue virtute mediocritatē eligit, & modum operandi rationemque præscribit. Necessarioque qui hanc habuerit, virtutibus aliis eare non poterit. At si quis integræ perfectaque prudentia non pollet, bene poterit substantiam aliquius virtutis

D.Thom.  
12.9.65.  
art.2.

D.Thom.  
suprà &  
9.71.art.  
4.

L.Tho.  
12.9.65.  
art.1.  
Art.6.  
Ethicor.  
c. vii.

habens.

habere, licet alia virtute careat, ut nunc dicemus. Sed an ipse virtutes morales non iam in aliquo alio, vt in charitate vel in prudentia, sed inter se ipsas connexae sint, magna inter Theologos concordatio est, quam alienam ab hac tractatione putamus, cuius non est Philosophicas subtilitates disquirere, & ideo solum quod nostro proposito seruat, in medium profseremus. Putamus ergo, has virtutes secundum suam naturam non esse connexas, quasi natura unius ab alterius natura dependeat, aut quasi unus non possit, vna harum virtutum prætermissa, aliam acquirere. Occurrit enim sœpe materia unius virtutis sine alia, vt materia abstinentie, sine materia elemosynæ aut misericordiae, & materia castitatis sine materia mansuetudinis aut clementiae. Quamobrem bene poterit quis in illa materia castitatis se exercere, & nihil de clementia curare, atque adeo sine clementia castitatem acquirere. Ipsa experientia compertum est, quosdam in vna virtute eminere, cui studuerunt: aliam vero ratiocinariemt quasi omnino nescire. Et sicut actiones ipsæ studiose formam, & quedam sine aliis exercentur: ita & habitus sue virtutes, quæ per illas significantur, quod ad naturam suam attiner, adiuvicem separantur. Nisi dicimus unius virtutis actibus omnes virtutes acquiri, quod consonum rationi non est. Nam si illi actus, omnes virtutes significantur, bonitatem etiam & merita, & laudes omnium virtutum haberent: si autem non habent, nec omnes virtutes significantur, sed tantum propriam illam, circa cuius materiam versantur, cuiusque finem respiciunt. Ergo si rerum naturam inspicimus, bene potest vna moralis & acquisita virtus, sine alia reperi. In quam sententiam Cassianus, referens memorabile dictum Antonij Abbatis, hæc ait: Alius enim scientiae floribus exornatur, alter discretionis ratione robustius communitur, alter patientiae grauitate fundatur, alius humilitatis, alius continentiae virtute præfertur, alius simplicitatis gratia decoratur. Hic magnanimitatis, ille misericordiae, iste vigiliarum, hic taciturnitatis, ille laboris studiis carceris supereminet. Et idcirco monachum, spiritualia mella condere cupientem, velut apem prudenter, debere vnamquamque virtutem ab his, qui can familiarius possident, delolare, & in sui peccatoris vase diligenter recondere; nec, quid minus aliquis habeat, discutere, sed hoc tantum quid virtutis debeat contemplari, studioseque decerpere. Et Leo Papa, vnam virtutem sine alia esse posse, pro certo videtur supponere. Ille sic inquit: Quamvis quis fidelis sit, & castus, & sobrius, & alius moribus ornatus insignibus, misericors tamen si non est, misericordiam non meretur. Et Hieronymus: Qui vnam habuerit, omnes videtur habere virtutes, participatione non proprietate.

*Leor. for.  
5. de col-  
lect. 4.*

*Hiero. I.  
contra  
Pelagian.*

*Gregor.  
22. mor.  
c. 1.*

Licet autem hæc ita sint, quod vna virtus secundum naturam suam sine alia subsistat, tamen multis aliis rationibus, quasi extra convenientibus, omnes sunt inter se connexæ virtutes, ut propterea necesse sit ei qui studiosus & perfectus esse velit, nullam earum prætermittere. Primo enim participatione quodam, vt dixit Hieronymus, sunt ipsæ connexæ: Nam in quolibet virtutis actu est ordo rectus medij ad finem, qui pertinet ad prudentiam: est rectitudine & æqualitas cum regula operandi, quæ pertinet ad iustitiam: est firmitas animi in operando, quæ pertinet ad fortitudinem: & est moderatio, quæ spectat ad temperantiam. Et de hac connexione dixit Gregorius: Ut sicut quibusdam visum est, de primis quatuor virtutibus loquar, prudentia, temperantia,

A fortitudine, atque iustitia, tanto perfectæ sunt singulæ, quanto vicissim sibi met coriunctæ. Diuersæ autem perfectæ esse nequaquam possunt: quia nec prudentia vera est, quæ iusta, temperans, & fortis non est: nec perfecta temperantia, quæ fortis, iusta, & prudens non est: nec fortitudo integræ, quæ prudens, temperans, & iusta non est: nec vera iustitia, quæ prudens, fortis, & temperans non est. Augustinus quoque eundem modum connexionis, licet obicius, insinuat: Virtutes, inquit, quæ sunt in animo humano, quāmvis alio & alio modo singulæ intelligantur, nullo modo tamē separantur ab invicem, vt, quicunque fuerint æquales, verbi gratia in fortitudine, æquales sunt & prudentia, & temperantia, & iustitia. Si enim dixeris, æquales esse istos fortitudine, sed illiū præstare prudentia, sequitur ut huius fortitudo minus prudens sit, ac per hoc nec fortitudines æquales sunt, quando est illius fortitudo prudentior.] Quod vero hi patres de quatuor virtutibus præcipuis asserunt, suo modo possumus dicere de reliquis, quæ sunt illis annexæ. Quilibet enim aliquid alterius participat, si in aliquo latenter gradu perfectionis consideretur, sine quo non nihil pulchritudinis illi videtur deficere.

*Aug. 6. de  
Trinit. c.  
4. 10. 3.*

Deinde virtutes omnes sunt connexæ perfectione, quia vna sine alia non est undeque perfecta. Sicut enim ex pluribus pulchris partibus corporis componitur vna hominis pulchritudo, ita ut si aliqua pars pulchra, & optimè disposita in suo loco deficit, non sit pulchritudo perfecta, sic vna perfectio moralis animæ ex omnibus virtutibus constat, quarum si aliqua desit, perfecta perfectio (vt ita dicam) & absolute non erit. Et quemadmodum, si quis haberet vnum oculum pulchrum & splendidum, alium verò deformem & cæcum; ille primus oculus non esset omnino pulcher arque perfectus, cuius pulchritudo non solum consistit in hoc, quod ipse pulcher sit, sed in hoc etiam, quod conformis & proportionatus alteri sit: Eodem modo vna virius, ut castitas non est sine patientia omnino perfecta, quia eius perfectio non solum est in hoc, quod concupiscentiam frateret, sed in hoc, quod linea ira, & indignatione, & linea nimia & ablorente tristitia tentationes insurgeat, & vincat. Et hanc connexionem virtutum tangit Gregorius his verbis: Vnaquæque virtus tanto minor est, quanto defuit cetera. Nam sœpe quodam pudicos quidem videlicet non contigit, sed non humiles: quodam vero quasi humiles, sed non misericordes: quodam quasi misericordes, sed nequaquam iustos: quodam vero quasi iustos, sed in se potius quam in Domino confidentes. Et certum est, quia nec castitas in eius corde vera est, cui humilitas deest, quippe quia superbia, & intrusus corrumpe, fornicatur, si semper ipsum diligens, à diuino recedit amore. Nec humilitas vera est, cui misericordia iuncta non est: nec debet humilitas dici, quæ ad compassionem fraternali miseria nescit inclinari. Nec misericordia vera est, quæ à rectitudine iustitia existit aliena, quia, quæ potest per iniustiam pollui, nesci proculdubio sibi mem ipsi misereri. Nec iustitia vera est: quæ fiduciam suam non in conditore omnium, sed in se fortes aut in rebus conditis ponit: quia dum à creatore spem subtrahit, ipse sibi principalis iustitiae ordinem peruerit. Vna itaque virtus sine aliis, aut omnino nulla est, aut imperfecta.] Hæc ille.

Tandem virtutes connexæ sunt indigentia mutui subridij: quia perfecta vna virtus, quæ ab alia auxilijs non recipit, manifesto discrimini subiaceat. Hoc aperta exempla demonstrant. Da enim homi-

nem castum, sed non humilem: in hoc vacillabit castitas, si occasionibus ignominiae & vilipendiosis exponatur. Da humilem, sed non castum: in hoc nu-tabit humilitas, si superbia & dominatio deliciis & voluptatibus circundetur. Sed da hominem mansuetum, & non liberalem: in eo peribit mansuetudo, si per iniuriam opes sutripas. Da liberalem, sed non mansuetum: celsitas largitas ergo te, etiam cum oportuerit erogare, si illum occasione irae & vindictae contingas. Idem pro�is in aliis virtutibus considerate poteris, quarum una alterius ope destituta, corruit, & haec illius auxilio priuata, labascit. Omnes igitur virtutes, ut alio loco dixit Gregorius, in coniectu conditoris sui, vicaria ope se subleuant: & quia una virtus sine alia vel nulla est omnino vel minima, necesse est ut vicissim sua coniunctione fulciantur. Si enim vel castitatem humilitas deserat, vel humilitatis castitas relinquit, apud authorem humilitatis & mundicie prodebet quid praevalet, vel superba castitas, vel humilitas inquinata? ] Ac proinde metit virtutes omnes, filiis ac filiabus patientis Iob significatae sunt, non solum quia ex labore & patientia generantur, sed quia, ut etiam idem sanctus Pater meditatus est, valde qualibet virtus destituitur, si non una alia, virtus virtuti suffragetur. Ad cuius rei figuram in diuina scriptura aliquatenus exprimendam, dictum est ad Moysem in Exodo: Sume tibi aromata, stactem, & onycha, galbanum boni odoris, & thus lucidissimum, facie que thymama.] Quid enim thymama nisi vitam spiritualem signat, cuius sacrificium in altati cordis oblatum, & igne diuinam amoris incensum, acceptatur a Domino in odorem suavitatis? At hoc thymama non ex una aliqua re odorifera, sed ex pluribus, id est, ex omnibus virtutibus conflatur, & si aliqua deficiat, nequaquam numerus eorum quibus componendum est thymama, completer. Non redolebit vita spiritualis suauiter, si aliqua ei virtus necessaria desit, si eam retrorsum odor alicuius vitij contaminer. Non erit tuta, si ei aliqua ex parte facilè hosti accesserit. Acceder autem, si aliqua virtus illi defuerit. Nam qui quacumque virtute caret, locum aduersario, per quem ingrediatur, relinquit. Et sic ut qui cum alio decertat, si aliquod membrum corporis habeat nullis armis protectum, in illo ab hoste ferietur, & fortassis ex accepto vulnera vita priuabitur: ita animus, si partem animae habeat non debita sibi virtute munitam, in illa peccati vulnera, quod gratia vitam eripiat, accipiet. Iahel, ut Sisaram interficeret, quas iuit in capite vulneri locum, locum, inquam, quem non galea protegeret, quem clavis sine vilo impedimento perforaret. Hanc industriae ad perdendas animas diabolus non ignorat, sed si videat concupiscentem honestate munitam, irascibilem vero mansuetudine vacuam, non multum curat concupiscentia occasiones ingerere, quas amor honestatis eluder, sed nititur, nos ad iracundiam & indignationem, ex levissimi etiam causis provocare. Querit in anima vulneri locum, quare qui timet vulnera accipere, & vi tentationis deiici, nullum locum non virtute armatum, hosti ommnia attente consideranti, relinquit.

Nulla igitur virtus praetermittenda est, nulla quasi non necessaria parvula: siquidem minimæ etiam virtutis absentia, potest esse magnorum defectuum occasio. Negotiator gemmas pretiosas querens, fulgentissimas & pretiosissimas diligit, minus vero lucidas, minuscule pretiosas non spernit, quia scit, tam itas quam illas vires esse ad suarum opum augmentum. Et virtutes gemmæ sunt, quibus non

A solus animus sed & corpus ipsum ornatur: marginata sunt adeo pretiosæ, vt ad eas nobis comparandas filius Dei languinem suum in pretium impenetrat. Simus ergo prudentes negotiatores, qui omnes possidere ad animæ ornatum cupiamus, nullamque non necessariam, non adiacentem nobis decorum, cogitemus. Prudens paterfamilias, qui domum habet magnam & familiam multam nimis, varia congregat in horrea sua, ciborum geneta, quibus tum sibi, tum filiis, tum famulis, tum iumentis necessaria subministret. Neque enim omnibus idem cibus congruit, nec diues erit ille & sibi sufficiens, si habeat similam pro filiis, & panem cibarium pro famulis, careat vero paleis & hordeo pro iumentis. Iam, ô iuste, ex hac similitudine te ipsum agnolce. Paterfamilias es, cui cura filiorum, iumentorum, & iumentorum sustentandorum incumbit. Memoria, intellectus, & voluntas, sunt quasi filii, quoniam vires spirituales cum sint, animæ naturam spiritualem imitantur. Sensus interni & affectus cordis sunt quasi serui, qui imperio rationis obedient. Sensus externi & membra sunt quasi iumenta, quæ bene reguntur, ad iter in coelestem patriam conficiendum nos iuvant. Omnium istorum alimenta sunt diversarum virtutum actiones. Nam memoria pascitur consideratione, intellectus prudenter & fide, voluntas, iustitia & Dei & proximorum amore. Sensus interni pascuntur tranquillitate, affectus temperantia & fortitudine: sensus externi, modestia; membra corporis, externa virtutum omnium exercitatione. Pro sustentanda hac copiosa familia, stude omnia genera virtutum reconcidere: nullamque, licet minima videatur, praetermittat, quia cibus est alicuius famuli aut iumenti, sine quo famem non modicam sustinebit, & te crudelitatis accusabit, qui altos reficiens, ipsum sine debito cibo manere permittis. Miles se totum armat, & nullum armorum genus, ad sui tutamen necessarium, praetermitit, omnes autem virtutes necessariae sunt, ne in pugna aduersus dæmones illidatur. Ut enim dixit Bernardus: Quatuor sunt armata, quibus principaliter communimur: Prudens & humili intelligentia, quæ est quasi galea, & caput operit: mediocris & parca temperantia, quæ est lorica, & peccatum regit: perseverans & patiens constantia, quæ est quasi scutum, & dexteram munit: retributum æquitas iustitia, quæ est gladius virto-bique incidens ad diuisionem animæ & spiritus: Si ergo temerarium esset, sine galea, aut sine lorica, aut sine scuto, & gladio, hostem optimè armatum aggredi, nonne stultum erit, sine aliqua virtute, quæ munimentum nostrum est, te aduersus aduersarios nostra salutis pugnare? Ita sanè: Quare omnis virtus excolenda est, ne insipientia ab omnibus arguamur, & à Iesu Christi, virtutum magistri, imitatione separaremur. Ille enim dixit Ioanni, cum petiit ab eo baptizari: Sime modò, sic enim decet nos implere omnem iustitiam. ] Qui omnem iustitiam implevit, nullam praetermisit: Iustitia enim omnis, nihil aliud est quam virtutum omnium operatio, omniumque mandatorum custodia. Sic ergo ille verus preceptor & dux noster, nullam virtutem exercere praetermisit, earum quæ ipsum decebant, & nullam imperfectionem innoluerunt; sic & nos discipuli eius facti, nulli virtuti studere praetermittamus, ut pro nostro modulo possumus dicere, quod per gratiam Dei, prout nobis datum fuit, omnem iustitiam impleuimus.

Bern. in  
sententia.

Matth.  
15.

Conclusio